

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 52. stav 1. Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 39/04, 54/04, 67/05, 8/06 i 4/12), a u vezi sa članom 51. stav 1. tačka a) Zakona o državnoj službi u Federaciji Bosne i Hercegovine, Vlada Zeničko-dobojskog kantona, na 66. sjednici, održanoj 16.08.2016. godine, d o n o s i

R J E Š E N J E

o razrješenju i prestanku radnog odnosa rukovodećeg državnog službenika

I.

Državni službenik Željka Marković-Sekulić koja obavlja poslove i radne zadatke radnog mjesta rukovodećeg državnog službenika „direktora Službe za zajedničke poslove Zeničko-dobojskog kantona“, razrješava se dužnosti sa danom 14.08.2016. godine, zbog dobrovoljnog istupanja iz državne službe kao uslova za prestanak radnog odnosa u organu državne službe.

II.

Imenovanoj, razrješenjem sa radnog mjesta iz tačke I. ovog rješenja, prestaje radni odnos u Službi za zajedničke poslove Zeničko-dobojskog kantona.

III.

Za realizaciju ovog rješenja zadužuju se Služba za zajedničke poslove Zeničko-dobojskog kantona, Ministarstvo finansija i Stručna služba Vlade.

O b r a z l o ž e n j e

Državni službenik Željka Marković-Sekulić, koja je Rješenjem Vlade Zeničko-dobojskog kantona, broj: 02-34-27859/12. od 20.12.2012. godine određena da obavlja poslove i radne zadatke radnog mjesta rukovodećeg državnog službenika – direktora Službe za zajedničke poslove Zeničko-dobojskog kantona, podnijela je Vladi Kantona pisani zahtjev za razrješenje zbog prelaska na novu dužnost u čijem prilogu je dostavljeno Rješenje broj: 01-34-2-152-9/16 od 19.07.2016. godine Ministarstva za ljudska prava i izbjeglice o postavljanju imenovane na radno mjesto pomoćnice ministrice počev od 15.08.2016. godine.

Na osnovu navedenog i shodno pribavljenom Mišljenju Agencije za državnu službu Federacije Bosne i Hercegovine broj: 04-34-3-122-1/16 od 08.08.2016. godine, ispunjen je uslov za prestanak radnog odnosa, zbog dobrovoljnog istupanja iz državne službe.

Odredbom člana 51. stav 1. tačka a) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 39/04, 54/04, 67/05, 8/06 i 4/12), propisano je da državnom službeniku prestaje radni odnos u organu državne službe dobrovoljnim istupanjem iz državne službe, a odredbom člana 52. stav 1. je utvrđeno da državnog službenika razrješava rukovodilac prema prethodno pribavljenom mišljenju Agencije za državnu službu Federacije BiH.

Kako su se shodno navedenim odredbama stekli uslovi za razrješenje, odnosno za prestanak radnog odnosa Željke Marković-Sekulić, odlučeno je kao u dispozitivu Rješenja.

Pravna pouka: Protiv ovog rješenja može se izjaviti žalba u roku od 15 dana od dana prijema istog. Žalba se podnosi Odboru državne službe za žalbe, Agencije za državnu službu Federacije Bosne i Hercegovine.

Broj: 02-_____/16.

Datum, 16.08.2016. godine

Z e n i c a

PREMIJER

Miralem Galijašević

DOSTAVLJENO:

1x Imenovanoj,

1x Stručna služba Vlade,

1x Služba za zajedničke poslove,

1x Agencija za državnu službu FBiH,

1x Ministarstvo finansija,

1x a/a.